

四庫全書

子部

欽定四庫全書

子部

絳雪園古方選註卷八

詳校官太醫院八品吏目臣黃發

編修臣倉聖脈覆勘

總校官原任中允臣王燕緒

校對官學正臣陳 木

謄錄監生臣李學瞻

欽定四庫全書

絳雪園古方選註卷八

蘓州王子接撰

內科九方

腎氣丸

熟地<sup>八兩</sup>山萸肉<sup>四兩</sup>山藥<sup>四兩</sup>澤瀉<sup>三兩</sup>丹皮<sup>三兩</sup>白茯苓

<sup>三兩</sup>肉桂<sup>一兩</sup>熟川附子<sup>一兩</sup>

右爲末煉蜜爲丸梧子大每服五七十九空心淡鹽

湯送或臨卧溫酒下每服當以美饍壓之前方加

牛膝 車前子 即金匱腎氣丸

腎氣丸者納氣歸腎也地黃萸肉山藥補足三陰經澤瀉丹皮茯苓補足三陽經臟者藏精氣而不泄以填塞濁陰爲補腑者如府庫之出入以通利清陽爲補復以肉桂從少陽納氣歸肝復以附子從太陽納氣歸腎金匱再復以牛膝導引入肝車前導引入腎分頭導納絛絲不亂獨取名腎氣者雖曰乙癸同源意尤重於腎也

六味地黃丸

熟地八兩山萸

四兩  
去核

山藥

四兩澤瀉

三兩丹皮

三兩茯苓

三兩

右法製共搗爛烘燥入磨爲末煉蜜丸桐子大每服七八十丸空心淡鹽湯下冬用酒下

六味者苦酸甘鹹辛淡也陰陽應象論曰精不足者補之以味五臟之精皆賴腎氣閉藏故以地黃名其丸地黃味苦入腎固封蟄之本澤瀉味鹹入膀胱開氣化之源二者補少陰太陽之精也萸肉味酸入肝補羸極之

勞丹皮味辛入膽清中正之氣二者補厥陰少陽之精也山藥味甘入脾健消運之機茯苓味淡入胃利入出之器二者補太陰陽明之精也足經道遠故制以大足經在下故治以偶錢仲陽以腎氣丸裁去桂附治小兒純陽之體始名六味後世以六味加桂名七味再加附子名八味方義昧矣

扁鵲玉壺丸

硫黃

八兩

右法製服食具載註中

玉壺指人身而言道書曰金精滿鼎氣歸根玉液盈壺  
神入室玄壽先生曰硫是礬之液礬是鐵之精生於溫  
泉產於山旁有水火既濟之妙本草止治陰寒惡疾不  
言治臟今人用治命門火衰陽氣暴絕寒水臟脹却有  
神功獨是難於制死余得異授并誌製法以廣仁術

凡硫黃八兩配真麻油八兩以硫打碎入冷油內  
燉爐上炭火宜微勿烈以桑條徐調候硫溶盡即

傾入大水內急攪去上面油水其色如金取缸底  
淨硫稱見若干兩仍配香麻油若干兩照前火候  
再溶再傾連前共三轉第四轉用真棉花核油配  
硫若干兩照前火候再溶再傾入大水內急攪去  
上面油水其色如絳第五轉用肥阜四兩水中同  
煮六時第六轉用阜莢四兩水中同煮六時拔淨  
製硫之油攪去其水其色如硫火之紫第七轉用  
爐中炭灰淋鹹水製六時第八轉用水豆腐製六



時拔淨阜鰵之性第九轉用田字草搗汁

田字草出水荒

田田中其葉如田字八九月採

和水製六時臨用研如飛麴凡淨

硫一兩配炒糯米粉二兩或水法或濕搗爲丸每服以硫三分爲準漸加至一錢開水溫送下

天王補心丹

其方有四惟此道藏者通

人參

錢五

當歸

兩一

栢子仁

兩一

丹參

錢五

茯神

錢五

棗仁

兩一

天門冬

兩一

麥門冬

兩一

五味子

兩一

生地

兩四

元參

錢五

遠

志肉

錢五

桔梗

錢五

右法製爲末蜜丸彈子大硃砂爲衣燈心湯服一丸  
或噙化

補心者補心之用也心藏神而神之所用者魂魄意智  
精與志也補其用而心能任物矣本神篇曰隨神往來  
者謂之魂當歸栢子仁丹參流動之藥以悅其魂心之  
所憶謂之意人參茯神調中之藥以存其意因思慮而  
處物謂之智以棗仁靜招乎動而益其智並精出入者  
謂之魄以天冬麥冬五味子寧靜之藥而安其魄生之

來謂之精以生地玄參填下之藥定其精意之所存謂之志以遠志桔梗動生於靜而通其志若是則神之陽動而生魂魄之生而爲意意交於外而智生焉神之陰靜而生魄魄之生而爲精精定於中而志生焉神之爲用不窮矣故曰補心

#### 四神丸

補骨脂

兩四

肉豆蔻

兩二

吳茱萸

兩一

五味子

兩三

右爲末用大棗百枚生薑八兩切片同煮棗爛去薑

取棗搗丸每服二錢臨卧鹽湯送下

四神者四種之藥治腎泄有神功也補骨脂通癸水之  
真陽肉豆蔻保戊土之真氣俾戊癸化火以運穀氣吳  
茱萸遠肝邪而散虛寒五味子攝腎氣而固真陰薑棗  
和營衛辛酸相輔助陽強陰則腎關自鍵固矣

斑龍丸

鹿角霜

兩八

鹿角膠

兩八

菟絲子

兩八

補骨脂

兩四

柏子仁

兩八熟地

兩八

白茯苓

兩四

右將膠溶化量入無灰酒打糊爲丸每服六七十丸  
淡鹽湯下

乾寧記云鹿與游龍相戲必生異角故得稱龍鹿有文  
故稱斑用其角爲方故名斑龍鹿卧則口朝尾閤故爲  
奇經督脉之方凡入房竭精耗散其真形神俱去雖溫  
之以氣補之以味不能復也故以有情之品專走督脉  
複以少陰太陽之藥治其合乃能搬運精髓填於骨空  
大會於督脉之顙會而髓海充盈鹿角霜通督脉之氣

也鹿角膠溫督脉之血也菟絲骨脂溫腎中之氣也熟地柏仁補腎中之精也柏仁屬木性潤骨脂屬火性燥非但有木火相生之妙而柏仁通心骨脂通腎并有水火既濟之功使以茯苓性上行而功下降用以接引諸藥歸就少陰太陽達於督脉上潮髓海而成搬運之功昔蜀中有道士酣歌酒肆曰尾閭不禁滄海竭九轉靈丹都漫說惟有斑龍頂上珠能補玉堂闕下穴澹寮方用鹿茸爲君者餘藥亦不同此茸珠丹非斑龍丸也今

從青囊之方

天真丸

精羊肉

七觔去筋膜脂皮批開入後藥

當歸

十二兩洗去蘆鮮山藥去皮

肉蓯蓉

十兩去甲清水浸淡晒乾

天門冬

去心焙乾一觔

右四味共搗烘燥磨末安羊肉內裹縛用無灰酒四

瓶煮令酒盡再入水二升煮候羊肉糜爛再入後藥

黃耆

五兩蜜炙爲末

人參末

三兩

白朮

炒二兩爲末

熟糯米飯焙乾作餅將前後藥末和丸梧子大一日

二次服三百丸溫酒下如難丸用蒸餅五七枚焙乾  
入臼中杵千下丸之

形不足者補之以氣精不足者補之以味養形補精以  
全神故名天真人參黃耆白朮養其形也當歸羊肉山  
藥補其精也肉蓯蓉煖腎中之陽引精氣以歸根天門  
冬保肺中之陰致高原於清肅嘗按古方溫燥藥中必  
複滋陰保肺亦恐未得補陽之功先傷肺經陰氣爾喻  
嘉言力贊此方可謂長於用補其法製甚精允爲補方



之首

大造丸

紫河車

一具用米泔水浸逾時輕輕擺開換水洗潔淨白如楊妃色者佳用竹器盛於長流水內浸一刻取生氣提回再入川椒滾湯內一過以鉛罐封固隔湯煮一伏取出先傾汁入藥用石臼木椎搗極勻入後藥

熟地

以生地五兩砂仁一兩二錢茯苓切塊四兩絹袋盛入瓦罐酒煮七次去砂苓晒乾二兩

生地

一兩五錢淡天門冬七錢去心清水當歸錢七枸杞

子

一兩五錢牛膝七錢酒五味子七錢淡肉蓯蓉七錢去甲切片

浸去白膜以  
淡烏度晒乾

黃檗

七錢鹽水炒

瑣陽

七錢淨酒

生杜仲

一兩另磨

去  
綿

右法製爲末河車搗爲丸量加煉蜜每服三錢侵晨

百滾湯送

大造者其功之大有如再造故名括蒼吳球宗丹溪之  
旨創立大造丸世咸遵之第藥品配合未臻玄奧余即  
參丹溪潛陰之法而爲損益焉上能金水相生下可肝  
腎同治潛陰固陽功倍原方河車得父母精中之氣而

成乃乾坤之橐籥鉛汞之匡廓所謂胚胎兆九混元歸一者也爲補養先天之妙品用熟地即以生地爲佐乃白飛霞天一生水之法當歸枸杞益血漆精牛膝杜仲強筋壯骨肉從蓉煖腎中真陽五味子攝腎中真陰天冬保肺恐邪火上僭燦金黃柏堅陰下守丹田真氣複以瑣陽之瀉封固周密諸法具備力量宏深夫是謂之大造庶得曰可

固精丸

鹿茸

具一

鹿角霜

分兩同茸

陽起石

錢五

韭菜子

兩一

淡肉蓯

蓉

兩一

五味子

錢五

茯苓

錢五

熟附子

錢五

巴戟肉

錢五

青花

龍骨

錢五

赤石脂

錢五

脂

錢五

假

錢

右爲細末酒煮糊爲丸如梧子大每服七十九空心

鹽湯送下

固精丸治無夢之滑精夫房勞過度則精竭陽虛陽虛則無氣以制其精故寐則陽陷而精道不禁隨觸隨泄不必夢而遺也與走陽不甚相遠治之必須提陽固氣

乃克有濟獨用補澀無益也鹿茸通督脉之氣舍鹿角  
霜通督脉之精室陽起石提陷下之真陽韭菜子去淫  
慾之邪火肉苁蓉煖腎中真陽五味子攝腎中真陰巴  
戟入陰附子走陽引領真陽運行陽道不使虛火陷入  
於陰白茯苓淡滲經氣使諸藥歸就腎經用石脂龍骨  
攔截精竅之氣而成封固之功

葶藶丸

葶藶

腸紙炒

杏仁

麩炒去尖

桑根白皮

剉

豬苓

去黑澤皮

瀉椒目

已上各五錢

右搗羅爲末煉蜜爲丸如桐子大每服二十丸葱白

湯下病不知加至三十丸

聖濟方有牽牛錢五

葶藶丸治涌水涌或作湧按經義肺移寒於腎爲涌水者無形之邪移於肺之子也按之腹不堅水氣客於大腸疾行則鳴濯濯如囊裏漿者明係腹不堅是土虛水泛水閉鬱而不流則客於大腸有形之邪反涌於肺之腑也聖濟治涌水十三方亦有從大腸溫下之者河間

採擇是方仍從肺腎主治葶藶杏仁桑皮泄肺經之氣  
閉猪苓澤瀉椒目從腎經瀉其水溢原方牽牛子利大  
腸下水積其性雄烈因證屬土虛故去之恐犯虛虛之  
戒也

### 檳榔丸

檳榔

剉

大黃

剉

枳殼

去

瓢

炒

桃仁

去

皮

炒

大麻

仁

炒

木香

各一

兩

聖濟方有青皮

湯浸去

白一兩

蜜丸

每服十九丸

溫酒下

檳榔丸與潤腸通幽二方同義和劑也治小腸移熱於大腸之處瘕證夫大腸爲傳道之腑熱則氣結液耗腹痛便澀然或有時而通故腹雖有形聚散靡常是爲處瘕處者伏也瘕與瑕通女病恒有之君以檳榔佐以木香枳殼泄決大腸之氣臣以<sub>二</sub>大黃桃仁麻仁<sub>一</sub>潤下大腸之熱治在腑者宣而通之病在下者因而奪之河間減去青皮勿雜肝膽之藥也

左金丸



吳茱萸

去開口鹽水  
浸一伏一兩

川黃連

六兩鹽  
水炒

右爲末水法爲丸或粥糊丸每服三十九開水送

經脉循行左升右降藥用苦辛肅降行於升道故曰左  
金吳茱萸入肝散氣降下甚捷川黃連苦燥胃中之濕  
寒勝胃中之熱臟惡熱而用熱腑惡寒而用寒是謂反  
治乃損其氣以泄降之七損之法也當知可以治實不  
可以治虛若勿論虛實而用之則誤矣

礞石滾痰丸

青礞石

一兩以焰硝一兩同入瓦罐鹽泥固濟晒乾火煨石色如金爲度無金星者不用

黃芩

八兩

大黃

八兩酒蒸

沉香

五錢

右爲細末水法爲丸每服三五十九量人強弱加減礞石性寒下降陰也焰硝性熱上升陽也用以同煨不特取焰硝有化石之能并與礞石有陰陽相濟之妙是方也治痰之功在於礞石然獨能攻肝經風熱老痰與他臟之痰不相及也王隱君云其痰似墨有如桃膠破絮蜆肉之狀咯之不出嚥之不下形堅性重入水必沉

服之其痰下滾從大便而出複以黃芩肅肺經清化之  
源大黃瀉脾經釀痰之熱沉香利腎經生痰之本三焦  
清利痰自不生是礪石治其本三者窮其原爾

### 威喜丸

雲茯苓

去皮四兩作匱以猪苓四錢半入內煮  
二十餘沸日乾揀去猪苓晒乾爲度

黃

蠟

四兩  
溶化

右即以蠟丸彈子大空心細嚼滿口生津徐徐嚥下  
以小便清爲度忌米醋尤忌怒氣勞力

抱朴子云茯苓千萬歲其上生小木狀似蓮花名威喜  
芝今以名方者須擇雲茯苓之年深質結者製以猪苓  
導之下出前陰蠟澹歸陽不能入陰須用黃蠟性味緩  
瀉有續絕補髓之功專調斷喪之陽分理潰亂之精故  
治元陽虛憊而爲遺濁帶下者若治肺虛痰火久嗽茯  
苓不必結而猪苓亦可不用矣

鼈甲煎丸

鼈甲

十一分

阿膠

三分

蜣螂

六分

蜂房

四分

廣蟲

五分

熬鼠婦三分

萆薢一分

熬

大黃三分赤消十二分

桃仁二分

烏扇

三分燒  
即射干

紫威

三分柴胡

六分桂枝

三分乾薑

三分黃苓

三分半夏

一分厚朴

三分瞿麥

二分石葦

三分人參

一分芍藥

五分丹皮

五分去心

右二十三味爲末取鍛竈下灰一斗清酒一斛五斗

浸灰候酒盡一半着鼈甲於中煮令泛爛如膠漆絞

取汁內諸藥煎爲丸如梧子大空心服七九日三服

鼈甲煎丸都用異類靈動之物若水陸若飛潛升者降

者走者伏者咸備焉但恐諸蟲擾亂神明取鼈甲爲君  
守之其泄厥陰破癥瘕之功有非草木所能比者阿膠  
達表熄風鼈甲入裏守神蜣螂動而性升蜂房毒可引  
下蟻蟲破血鼠婦走氣葶藶泄氣閉大黃泄血閉赤消  
軟堅桃仁破結烏扇降厥陽相火紫威破厥陰血結乾  
薑和陽退寒黃芩和陰退熱和表裏則有柴胡桂枝調  
營衛則有人參白芍厚朴達原劫去其邪丹皮入陰提  
出其熱石葦開上焦之水瞿麥滌下焦之水半夏和胃

而通陰陽竈灰性溫走氣清酒性煖走血統而論之不  
越厥陰陽明二經之藥故久瘥邪去營衛而着臟腑者  
即非瘥母亦可借以截之按金匱惟此丸及薯芋丸藥  
品最多皆治正虛邪着久而不去之病非彙集氣血之  
藥攻補兼施未易奏功也

### 虎潛丸

龜甲

四兩 灸

虎脛骨

一兩 灸

熟地

三兩

當歸

一兩 錢酒洗

白芍

二兩 酒炒

牛膝

二兩 酒蒸

陳皮

二兩 鹽水潤

黃柏

三兩 鹽水炒

知母

三兩

鹽水  
炒 瑣陽 錢酒潤

右爲末 羈羊肉酒煮爛 搗丸 鹽湯下 冬加乾薑

兩一

虎陰獸潛伏藏也 臟陰不藏內熱生痿者 就本臟分理  
以伏藏其陰也 故用龜甲爲君 專通任脉 使其肩任三  
陰臣以虎骨熄肝風 丸以羊肉補精髓 三者皆有情之  
品 能戀失守之陰 佐以地黄味苦補腎 當歸味辛補肝  
使以牛膝行血 陳皮利氣 芍藥約陰 下潛知栢苦以堅  
之 銷陽澀以固之 其陰氣自然伏藏而內守矣



黑地黃丸

白朮

一兩六錢炒黑

熟地

一兩六錢炒黑

五味子

八錢蒸熟

生淡乾薑

清水浸淡春七分  
夏五分冬一錢

右爲末棗肉爲丸每服百丸清米飲湯送下

地黃丸名之以黑者白朮熟地皆須炒黑也經言脾寒則溼腎熱則燥故治脾惡潤劑治腎惡燥劑許學士云用白朮則有礙於腎用熟地則有礙於脾今以二者炒黑乃去其味留其氣庶可兩擅其長治上咳下利脉至

細數者頗有效白朮熟地扶太陰少陰先後天之正氣  
五味子乾薑獨攝太陽之表氣保肺止嗽仲景云太陽  
膀胱嗽不止者當加五味子乾薑是也

來復丹

太陰玄精石

兩一

舶上硫黃

兩一

橘紅

錢二

硝石

兩一

硫黃爲

末微火炒

結砂子大

青皮

二錢

五靈脂

二錢

炒令煙盡

去砂

右爲末

醋糊丸豌豆大每服三十丸空心米飲下

易言一陽來復於下在人則爲少陽生氣所出之臟病

上盛下虛則陽氣去生氣竭此丹能復陽於下故曰來  
復玄精石乃鹽鹵至陰之精硫黃乃純陽石火之精寒  
熱相配陰陽互濟有扶危拯逆之功硝石化硫爲水亦  
可佐玄硫以降逆靈脂引經入肝最速能引石性內走  
厥陰外達少陽以交陰陽之樞紐使以橘紅青皮者納  
氣必先利氣用以爲肝膽之向导也

至寶丹

暹羅犀角

鎔

硃砂

研水飛觀  
音面者佳

雄黃

研水  
飛

琥珀

研

玳瑁

瑁

一兩 鎔各

牛黃

五錢

麝香

研

龍腦

一兩 研各

金銀箔

各五

水

十片

安息香

一兩 無以早 無灰酒熬成膏如 安息香代之

右將犀玳爲細末入餘藥研勻將安息膏重湯煮入諸藥搜和分作百丸蠟護臨服剖用參湯化下

至寶丹治心臟神昏從表透裏之方也犀角牛黃玳瑁琥珀以有靈之品內通心竅硃砂雄黃金銀箔以重墜之藥安鎮心神佐以龍腦麝香安息香搜剔幽隱諸竅李杲曰牛雄腦麝入骨髓透肌膚抱朴子言金箔雄黃

合餌爲地仙若與丹砂同用爲聖金餌之可以飛昇故  
熱入心包絡舌絳神昏者以此丹入寒涼湯藥中用之  
能祛陰起陽立展神明有非他藥之可及若病起頭痛  
而後神昏不語者此肝虛魂升於頂當用牡蠣救逆以  
降之又非至寶丹所能甦也

萬氏牛黃清心丸

西牛黃

二分五厘

鏡面硃砂

一錢五分

生黃連

五錢

黃芩

三錢

梔

三錢

鬱金

二錢

右爲末蒸餅爲糊丸如黍大每服七八丸

喻嘉言治中風門云熱阻闕竅湯劑中調入牛黃清心丸但古有數方其義各別若治溫邪內陷胞絡神昏者惟萬氏之方爲妙蓋溫熱入於心胞絡邪在裏矣草木之香僅能達表不能透裏必藉牛黃幽香物性乃能內透胞絡與神明相合然尤在佐使之品配合咸宜萬氏用芩連山梔以瀉心火鬱金以通心氣辰砂以鎮心神合之牛黃相使之妙是丸調入犀角羚羊角金汁甘草

或人中黃連翹薄荷等湯劑中定建奇功

### 蘇合香丸

蘇合香

白者良  
研二兩

安息香

無灰酒煮  
去砂二兩

暹羅犀角

鎔  
研

腦冰片

研一兩

麝香

勿經火另  
研各一兩

香附

炒

木香

薰陸

香

另研極細

丁香

白朮

各一兩

右十一味爲末逐一配勻量加煉蜜和劑分作五十

丸另以硃砂一兩水飛爲衣蠟護臨用剖開井水送

薑湯溫酒皆可化下一丸原方尚有白檀香草撥訶

黎勒局方裁去之因其太瀉燥耳

蘇合香能通十二經絡三百六十五竅故君之以名其方與安息香相須能內通臟腑龍腦辛散輕浮走竅經絡與麝香相須能內入骨髓犀角入心沉香入腎木香入脾香附入肝薰陸香入肺複以丁香入胃者以胃亦爲一臟也用白朮健脾者欲令諸香留頓於脾使脾轉輸於各臟也諸臟皆用辛香陽藥以通之獨心經用硃砂寒以通之者以心爲火臟不受辛熱散氣之品當反



佐之以治其寒阻關竅乃寒因寒用也

木香硃砂煎丸

木香

分一 硃砂

醋內化瀘淨炒五錢

京三稜

生用一分

巴豆

去膜勿去油研

分一 大黃

炮一分

蓬莪茂

炮一分

青皮

湯浸去白焙一分

乾薑

炮一

分 肉桂

去粗皮一分

附子

炮製去皮臍一分

乾漆

炒烟出

松墨

一指大研

右一十二味將京三稜巴豆大黃三味各搗研爲末同置銀石器內用醋一升煎一兩沸次入硃砂同熬

成膏收將諸藥搗爲末以前四味膏和成劑杵下  
爲丸如菉豆大每服五丸炒生薑湯下結聚腹內氣  
塊痛乾薑湯或橘皮湯下若麵黏食成癥煮麵湯下  
牛羊鼈肉成癥各用本肉淡汁下婦人諸般血癥當  
歸酒下如要宣轉茶清下加至七丸小兒三丸

硃砂方出自唐宋癥癖痼疾推之不移者非此不化木  
香專走三焦硃砂亦能化三焦之痼疾故方名並稱之  
三稜破血中之氣昔有五色癥塊爲刀柄遇稜化水夷

堅志所載甚悉巴豆走氣潰堅大黃入血攻積時珍謂  
其同用瀉人反緩此先以醋煎三味次入硃砂成膏亦  
使猛銳之力徐行耳蓬莪茂與三稜相須破氣中之血  
青皮助肝疏泄乾薑肉桂附子通三焦之陽乾漆性急  
飛竄松墨性輕健捷諸藥止用一分者僅取其引經報  
使通陽入陰捷如影響佐硃砂成化癥之功

天真丹

沉香一兩琥珀一兩巴戟天

酒浸去心一兩

胡盧巴

炒香一兩懷香

鹽炒香去  
鹽用一兩

補骨脂

炒香  
一兩

杜仲

炒去絲  
一兩

肉桂

草薢

酒浸炒  
香兩

牽牛子

鹽炒香  
黑一兩

石十味爲細末用元浸藥酒打麴糊爲丸如桐子大  
每服五十九至七八十九空心溫酒下

天真丹治下焦陽虛臍腹痼冷腿腫如斗囊腫如升肌  
肉堅鞭按之不實是皆形氣不及之病非因寒而腫鞭  
也陽虛濕至則腫陽氣去則堅如石不因寒而腫鞭者  
則非理中真武之通陽舟車神祐之去濕矣蓋陽去肉

堅當以辛香走氣起陽破堅陽虛濕至當以辛熱利水  
逐濕消腫細繹是方用沉香入腎消風水之腫毒琥珀  
達命門利水道破堅療巴戟療腳氣寒濕胡盧巴搜下  
焦冷氣潛伏舶懷香辟膀胱冷氣除下焦氣分之濕補  
骨脂煖腰膝逐囊濕杜仲健腰腎除陰下濕肉桂除下  
焦沉寒痼冷草薢味苦療痺痺去下焦風濕牽牛子性  
大熱除氣分之濕三焦壅結腳浮水腫以上諸藥辛香  
者居多其苦辛無香者或藉酒浸或令炒香俾陽通濕

去其腫自消肌肉自柔於以迎陽下返積氣全形命曰  
天真形不壞也

資生丸

白扁豆

兩一

山藥

錢一兩

人參

兩三

白朮

土兩

蓮肉

兩一

芡

實

錢一兩

橘紅

兩二

桔梗

錢五

甘草

錢五

白苳蔻

錢五

厚

錢五

朴

兩一

山查肉

兩二

川黃連

錢五分

神麴

兩二

藿香

錢五

茯苓

一兩  
錢五

澤瀉

錢三分

薏苡仁

兩三

麥芽

錢一兩

右爲末煉蜜丸每丸二錢重每服一丸醉飽後二丸

細嚼淡薑湯下

易曰至哉坤元萬物資生取以名方者因三焦五藏生  
生之氣全資脾胃而輸化也蓋土居乎中而位寄乎五  
行三焦分受其氣於五藏故補脾胃而仍分理三焦也  
白扁豆山藥補金中之土也人參白朮補其正土也蓮  
肉芡實補水中之土也橘紅桔梗甘草豈菴運上焦之  
氣而使之輸也麥芽苡仁茯苓澤瀉理下焦之氣而使  
之化也三焦氣行五藏氣充而生氣勃然矣

伐木丸

茅山蒼朮

米泔水浸二宿  
去皮毛二觔

黃酒麵麴

造法另載本  
草四兩同蒼

不炒  
赤色 皂礬

醋拌曬乾入陽  
城罐火煨一觔

右法製爲末醋糊丸梧子大每服三四十九好酒米

湯任下日二三服

伐木丸出張三丰仙傳方三丰云此乃上清金蓬頭祖  
師所傳治黃腫如土色其效如神皂礬味酸性涼百草  
遇之不生人穢得之化水其消積滯燥脾濕之功非諸



藥所能及再製以米醋丸以醋糊瀉肝經之氣使脾胃  
無賊邪之患蒼朮疏泄陽明之氣除濕以安太陰爲仙  
家服食之藥黃酒麴麴乃菴豆杏仁辣蓼所罨其辛涼  
之氣能除陳腐亦仙品也李時珍云以皂礬加入平胃  
散胡桃棗子爲丸又以皂礬當歸百草霜爲劑總不及  
此方之妙

寧肺散

御米囊

醋炒一兩六錢

烏梅肉

錢四

右烏末每服二錢沸湯點服

寧甸安也嗽久則勞於肺氣散不收肺脹病劇者始用以安肺河間云嗽久不已諸藥無效者用之極驗瞿粟殼輕清入肺性澁固氣複以烏梅者肺欲收急食酸以收之也但粟殼之性緊急恐其固澁太過反佐以米醋製之與烏梅氣味相投斂而降下不使粟殼留戀肺經以傷嬌藏其法少用點服者朱震亨云治病之功過急恐急則傷人也

禹攻散

黑牽牛頭末

入磨一次不復再磨四兩

大茴香

炒一兩

右爲細末以生薑自然汁調一二錢臨臥服

禹攻者脾濕腫脹肉堅攻之如神禹決水牽牛苦熱入脾瀉濕欲其下走大腸當以舶茴辛香引之從戌入丙至壬開通陽道走泄濕邪決之使下一瀉無餘而水土得平

神香散

丁香

七粒

白芷

七粒

右爲末清湯調下如小腹痛者加砂仁七粒

神香散景岳之新方也以之治乾霍亂痙脹腹痛屬於寒濕凝滯脉絡者殊有神功與辰砂益元散治濕熱痙脹可謂針鋒相對夫痙者寒熱之濕氣皆可以爲患或四時寒濕凝滯於脉絡或夏月濕熱鬱遏於經隧或鼻聞臭氣而阻逆經氣或內因停積而壅塞府氣則胃脘氣逆皆能脹滿作痛甚至昏憤欲死西北人以楊柳枝

蘸熱水鞭其腹謂之打寒痧東南人以油碗或油線括其胸背手足內脰謂之刮痧以碗鋒及扁鍼刺舌下指尖及曲池委中出血謂之鋤痧更服八砂丹以治其內是皆內外達竅以泄其氣則氣血得以循度而行其脹即已非另有痧邪也近世俗醫另立痧科凡見腹痛脹滿煩悶不安咸謂之痧唯欲自銜其術反戒患者勿輕用藥殊堪捧腹

霹靂散

雄黃

分五雌黃

分五人言

分四冰片

分五生山梔

二十

牛黃

分五 急性子

錢一生菴豆

一百八

十粒

先將菴豆冷水洗去皮全餘藥各生曬乾爲末大人用七分十五六歲者用四分或粉麵糕餅令其食少頃吐出頑痰爲妙晚以稀粥補之

霹靂者破泄陰霾也是方治陽狂殊爲不合若治癡顛頗有批却導窾之妙按內經顛狂篇顛分骨筋脉三種又按難經二十四難曰重陰者顛明係癡顛是藏病多

由肝經風痰隨氣上逆於心迷亂神明故宜湧而吐之  
生黃砒不及煉白砒燥烈純熱劫痰善吐但煉砒毒能  
傷人故必重用生菹豆以解其毒然有服之其毒內攻  
而不吐者又必以食物如粉麵糕餅鼓動胃氣則無有  
不吐者矣山梔輕揚上浮急性子下氣透骨是即梔子  
豉湯激而行之相助以吐雄黃入肝之陽分殺精辟鬼  
雌黃入肝之陰分祛風殺蟲牛黃入肝藏引風外出水  
片入骨髓搜風可盡剛猛毒藥無微不入胸中即有固

結頑痰亦必倒倉吐出其神明得以歸舍而清矣

小金丹

辰砂

二兩

水摩雄黃

一兩

葉子

雌黃

一兩

紫金

煉熟金

箔五錢

右藥同入合中外固了埋地一尺築地實不用爐不

須藥製用炭二十觔煅之七日終候冷七日取次日

出合子埋藥地中七日取出順日研之三日煉白蜜

爲丸梧桐子大每日望東吸日華氣一口冰水下

丸和氣嚥之服十粒無疫干也



小金丹爲辟疫之方全用金石者取天地五行自然之氣也辰砂生稟青陽受氣於丙有木火之德雄黃得陽土之精雌黃得陰土之精金稟已土陰氣得水之精以火煅之以土埋之循太陽左旋以研之吸太陽初升之氣以吞之純陽之氣用冷水以攝之採取陰陽之精氣坐鎮中宮正氣在內邪不能干也按素問遺論辟疫篇是方係後人增附然方義頗通故釋之

獺肝丸

獺肝

一具  
陰乾

爲末水服二錢日三服以瘥爲度

獺肝丸奇方也葛稚川治尸疰鬼疰仲景治冷勞皆取用之按獺肝性溫能驅陰邪而鎮肝魂不使魂遊於上而生變動之症蓋疰者邪注於臟也若注於肝則肝爲喜變之臟邪與魂相合疰變便有二十二種其蟲三一食五日一退變見之症無非陰象而獺肝一月生一葉又有一退葉是其性亦能消長出入以殺隱見變幻

之蟲真神品也

吐蠱散

新製

白礬 建茶 土常山 馬兜鈴根 雄黃 刺

蝟皮灰 桑枝汁 蒜汁 雞翅下血雄赤敗鼓皮

灰

甘草節

蘇油浸

右等分爲末每服五分以吐爲度

按周禮有秋官庶民掌除毒蠱者蠱之爲害由來久矣  
其名有五所謂蛇蠱蜥蜴蠱蜈蚣蠱蜺螂蠱草蠱是也

其法以諸蟲同畜一器任其互相吞啖存者即以爲蠱  
中其毒於飲食中能蝕人腑臟發症難以名狀緩治即  
無生理千百年來大抵昏淫亂之俗及妄圖福利者之  
所爲故其害於今猶未泯也然有解蠱之法能令人不  
至於死地者考古治法初中蠱者當越之使吐去盡惡  
物可不致死余故採擇古人解蠱效驗藥餌配合成方  
名曰吐蠱散雄黃解五蠱之毒刺蝟制五蠱之神蒜汁  
純陽制五陰之毒桑汁殺腹內蟲專制蜈蚣赤雄雞翅

下血入血而性升善祛伏風故解蛇蝎蜈蚣之風毒敗鼓皮灰以其久鳴而敗能令病人自言造蠱者之名土常山出天台性涼味甘如蜜嶺南人呼爲三百頭牛馬兜鈴根味苦能吐五蠱草蟲之毒非此不除嶺南人呼爲三百兩銀甘苦同行必發吐也白礬出閩中北苑性寒味苦治熱毒苦瀉寒熱相佐以行當發吐也常山兜鈴白礬建茶皆攻毒涌越之品再以甘草載引於上則無有不傾囊而吐者矣

雪羹

大勃薺

四

海蛇

漂去石灰  
性一兩

右二味水二鍾煎八分服

羹食物之味調和也雪喻其淡而無奇有清涼內沁之妙勃薺味甘海蛇味鹹性皆寒而滑利凡肝經熱厥少腹攻衝作痛諸藥不效者用以泄熱止痛捷如影響

鍊真丸

茅朮

去皮米泔浸  
麻油炒三兩

茯苓

三兩

黃柏

三兩

童便  
鹽水

各

製一  
人乳

兩  
澤瀉一兩蛇床子一兩淫羊藿去刺羊脂拌蒸一兩白蓮鬚

酒洗  
五味子一兩沉香另末勿見火一兩人參三兩鹿茸大者一對

酥炙  
大懷香去子一兩鳳眼草一兩即金鈴子酒蒸去皮核三兩

大檳榔七兩童便浸切

右爲末用乾山藥末爲糊丸空心鹽湯送四錢臨卧

溫酒再服二錢

鍊真者鍊本身之精氣神不爲陰邪所蔽常使虛靈不昧以復天真也世有膏粱之人再爲房勞所傷濕熱障

蔽於內精氣昏亂因而無子者宜服此丸統論方義似  
僅能去濕熱通陽道而已然細繹其配合之理却有幹  
旋造化之妙蓋膏粱之濕傷及腎陰非蒼朮不能勝其  
濕膏粱之熱擾動陰火非黃柏不能制其熱二者滌身  
中素蘊之濕熱也茯苓上滲水飲澤瀉下通水道二者  
引未蓄之濕熱旋從小便而出也蛇床子燥陰濕益陽  
事淫羊藿起陰痿興絕陽二者通命門之真火以生氣  
也白蓮鬚清心通腎交媾水火會合木金五味子收五



臟之陰功專攝金氣以生真水二者兼固精氣神以寓  
生生不息之機也沉香入腎壯陽煖精大茴香開上下  
之經氣內接丹田二者芳香走竅諸藥雖具補瀉之功  
藉其芳香乃能內入也人參升舉五臟之陽鹿茸督率  
奇經之陽二者宣發真陽以迎合精氣神也金鈴子泄  
氣分之熱引相火下行鳳眼草清血中之熱使真陰內  
守二者又爲諸藥之嚮導也獨以大腹子爲君者非但  
取其迅墜諸藥至於下極之功且佐木苓澤瀉黃蘗金

鈴等掃除清道不致茸苗蛇霍反助素蘊之濕熱亦種玉之一則也

兔絲子丸

生濟

兔絲子

酒拌生用二兩

鹿茸

酒炙二兩

淡肉蓯蓉

酒拌二兩

淡附子

一兩

五味子

一兩雞脰脰

五錢

桑螵蛸

酒炙五錢

右爲末酒糊丸如梧子大每服七十丸空心鹽湯下

小便失禁古方多用固澀或兼通大陽究非尋源探本之治蓋小便癰閉則用附子等獨開太陽之氣化若夫

不約則三陽俱撤矣獨攝太陽亦無益也當升舉督脉之陽以保護諸陽之氣故鹿茸爲必需之藥大制用之當秦奇功余博考失禁諸方惟濟生兔絲子丸稍爲合法然必佐以芳香入陰之品乃能抵下焦而升陽如韭子茴香補骨脂杜仲等類願後賢裁之

### 猪脂丸

牡蠣

四兩煨另研極細

白色苦參

三兩

白朮

四兩

猪脂

一具洗潔砂觀

煮爛石臼搗數百杵

右藥同猪脂搗令極勻如藥乾量增脂汁丸如梧桐子大每服五十丸空心米飲送下日三服久服不但治遺即勞瘦者亦能肥也

劉松石猪脂丸治肥貴人濕熱遺精之方也即仲景黃連猪脂丸之義蓋肥貴之人嗜鮮美飲醇醪久之脾胃釀成濕熱留伏陰中夜爲夢泄治以水畜之脂爲水中之土能厚胃泄水佐以白朮健脾勝濕截其病之所從來苦參泄脾濕而堅腎陰佐以牡蠣鹹寒勝熱固澀止

遺又先於其濕之所往也泄其邪固其正則雖有夢而不遺矣夫遺滑變症雖多不越乎有夢無夢濕熱三者之範圍從此推之可如庖丁之導竅矣

### 大補陰丸

黃蘗

鹽酒炒  
色四兩 褐

知母

酒炒  
四兩

熟地

酒蒸  
六兩

敗龜板

去衣  
牆雄

者  
六兩 酥灸

右爲末猪脊髓和蜜丸每服七十丸淡鹽湯下治虛  
呃用參朮湯送下

丹溪補陰立法義專重於黃蘗主治腎虛勞熱水虧火  
炎以之治虛火呃逆亦爲至當難經言逆氣而裏急衝  
之爲病也以衝爲陰脉之海並足少陰之脉行乎幽門  
通谷夾巨闕而上故丹溪謂呃逆屬於肝腎之虛者其  
氣必從臍下直衝上出於口斷續作聲第肝腎之氣在  
下相凌左腎屬水不能自逆而右腎爲相火所寓相火  
炎上挾其衝氣乃能逆上爲呃主之以黃蘗從其性以  
折右腎之相火知母滋腎水之化源熟地固腎中之元

氣龜板潛通奇脉伏藏衝任之氣使水不妄動治虛呃  
用參朮湯下之者人之陰氣依胃爲養胃土損傷則相  
火直衝清道而上此土敗於相火之賊當崇土以制龍  
雷之火也

通關丸

一名滋腎丸

黃蘗

去皮剉酒洗焙

知母

剉酒洗焙乾各一兩

肉桂

五分

石爲細末熟水爲丸每服一百丸空心白湯下頓兩  
足令藥易下行如小便利前陰中如及刺痛當有惡

物下爲驗

東垣滋腎丸原名通關丸難經關格論云關則不得小便口不渴而小便不通乃下焦腎與膀胱陰分受熱閉塞其流即內經云無陰則陽無以化也何則膀胱稟大寒之氣腎感寒水之運氣運窒塞故受熱而閉治法仍須用氣味俱陰之藥除其熱泄其閉治以黃蘗瀉膀胱之熱知母清金水之源一燥一潤相須爲用佐以肉桂寒因熱用伏其所主而先其所因則鬱熱從小便而出



而關開矣再議膏粱酒溼損傷腎水以致闕陰者亦能使火逆而爲格陽或爲呃逆爲咽痛東垣嘗爲陰火上衝而吸氣不得入胃脉反逆陰中伏陽即爲呃又謂腎虛蒸熱脚膝無力陰痿陰汗衝脉上冲而爲喘爲咽痛者用之亦效

### 大黃麋蟲丸

大黃

蒸十分

黃芩

二兩

杏仁

升一

桃仁

升一

乾地黄

十兩

乾漆

兩

一兩

蟲蟲

升一

水蛭

枚百

蟻螯

升一

麋蟲

升一

芍藥

兩四

甘草

兩三

右十二味末之煉蜜和丸如小豆大酒飲服五九日

三服

金匱血痺虛勞脉證九條首條是汗出而風吹之血凝於膚而爲痺然痺未至於乾血後六條是諸虛不足而成勞然勞亦不至於虛極故治法皆以補虛和營衛去風氣爲方若五勞虛極痺而內成乾血者悉皆由傷而血瘀由瘀而爲乾血也假如陰之五臟傷在五味飲食自備則食傷於脾西方生燥在臟爲肺在志爲憂憂患

不止則營衛除故憂傷於肺以酒爲漿以妄爲常女子脫血醉入房中則飲傷於肝嗜慾無窮精氣弛壞則房勞傷於腎穀氣不盈上焦不行下脘不通胃熱陰虧則饑傷於胃尊榮人有所勞倦喘息汗出其傷在營若負重努力人亦傷於營營氣屬心故勞傷於心諸傷而胃亦居其一者以五臟皆稟氣於胃爲四時之病變死生之要會胃熱液涸則五臟絕陰氣之源而絡痺血乾愈速故饑傷亦列於藏傷之間其第七句是總結諸傷

皆傷其經絡營衛之氣也細繹本文云腹滿不能食肌膚甲錯面目黧黑明是不能內穀以通流營衛則營衛凝泣瘀積之血牢不可破即有新生之血亦不得暢茂條達惟有日漸羸瘦而成內傷乾血勞其有不死者幾希矣仲景乃出佛心仙手治以大黃蠱蟲丸君以大黃從胃絡中宣瘀潤燥佐以黃芩清肺衛杏仁潤心營桃仁補肝虛生地滋腎燥乾漆性急飛竄破脾胃關節之瘀血蜚蝨性升入陽分破血水蛭性下入陰分逐瘀蟻

蟪去兩脇下之堅血麤蟲破堅通絡行傷却有神功故  
方名標而出之芍藥甘草扶脾胃解藥毒緩中補虛者  
緩舒也綽也指方中寬舒潤血之品而言也故喻嘉言  
曰可用瓊玉膏補之勿以耆朮補中失却寬舒胃氣之  
義

又大黃麤蟲丸

麤蟲

二十枚  
去足

桃仁

二十粒

大黃

三兩

右三味末之煉蜜和爲丸每以一九酒一升煮一九

取八合頻服之新血下如豚肝

金匱云產婦腹痛內有乾血着臍下用三味爲方蓋因瘀積未久榮衛經絡血亦未必固結止以大黃桃仁潤其血之乾以蟅蟲蠕動噉血之物行其瘀便可奏捷不必如五勞之用重劑也

百勞丸

當歸

錢一

乳香

錢一

沒藥

錢一

蟅蟲

錢二

人參

黃

錢四

水蛭

錢十四

桃仁

錢十四

去皮尖

浸

石爲細末煉蜜爲丸桐子大都作一服可百丸五更  
用百勞水下取惡物爲度服白粥十日百勞水即甘  
瀾水以杓揚百遍者也

百勞丸許州陳大夫流傳出自仲景方治一切癆瘵積  
滯未經藥壞證者細譯是方無非氣血並補和營逐瘀  
其緩中補虛之義毫不相關較之金匱原方却遜一籌  
惟用百勞水不助腎邪以藥留頓中宮導去脾胃絡之  
瘀血使其內穀流通營衛亦乾血癆之良治

# 禹餘糧丸

蛇含石

本草名蛇黃大者三兩以新鐵鉋盛入炭火中燒蛇黃與鉋子一般紅用鉋取蛇黃

傾入醋中候冷取出研極細

禹餘糧石

三兩狀如牛黃重重甲錯中有黃土如蒲黃無

沙者銅鍼砂

五兩入餘糧一處用米醋二升就銚內煮令醋乾爲度却就用鉋子同二

藥入一秤炭火中煨令通赤鉋出鉋子傾藥於淨磚地上候冷研一二日極細

以上三物爲主其次量人虛實入下項藥

喻嘉言曰治水多取

轉推此方三物既非大戟甘遂芫花之比又有下項諸藥扶持故虛人老人亦可用

羌活

川芎

京三稜

炮

蓬莪朮

白芷

炒



白蒺藜 陳皮 青皮 木香 大茴香

炒

牛膝

酒浸

當歸

酒浸一宿

乾薑

炮

熟附子

炮

肉桂

各五錢

右爲末入前藥拌勻以湯浸神麴洗去水爲糊和藥再杵極勻丸如桐子大食前溫酒或白湯送下三十丸至五十丸最忌鹽一毫不可入口否則發疾愈甚但試服藥即於小便內旋去不動藏府而能去病日三服兼用溫和調補氣血藥助之真神方也

禹餘糧丸用三物治肝脾胃之藥爲主者以水病莫不

本之於三臟也。蛇黃得蛇性之走竄靈異，能內走臟腑，外徹皮膚。禹餘糧入陽明血分之重劑，同鍼砂醋製，即於胃中辟肝經客賊之氣。佐之羌活、川芎以開鬼門，三稜、蓬朮以潔淨府。蒺藜、苴蕘、木香、茴香、陳皮、青皮去鬱陳莖理則然也。而諸品之藥猶爲力綿，及未能開關重陰。經言三陰結，謂之水三陰。肺脾腎也。若肺之治節不行，脾之健運失常，腎之關門不利，則膀胱之水日益泛濫，占據肢體，重陰堅壘，設非薑桂附之大力斬關奪

門焉能重雲見睨而腫脹潛消耶再使以當歸牛膝導  
薑桂附下行入絡而奏驅陰功績更爲勁捷統論全方  
不用逐水之藥不蹈重虛之戒斯爲神治也

小溫中丸

白朮

二兩茯苓

一兩陳皮

一兩半夏

湯一兩枳實去皮

甘草

三錢

神麴

炒一兩

香附

忌烘曬一兩五錢

苦參

炒五錢

黃連

炒五錢

鍼砂

醋炒紅研如飛一兩五錢

右爲末醋水各一盞打神麴糊爲丸如桐子大每服

七八十九白朮六錢陳皮一錢生薑一片煎湯吞下  
虛甚加人參一錢本方去黃連加厚朴半兩忌口病  
輕者服此丸六七兩小便長甚者服一觔小便始長  
小溫中丸太陰氣脹土鬱奪之之法也經脉篇曰太陰  
虛則臍脹又曰脾氣實則腹脹至真要大論曰諸濕腫  
病皆屬於脾諸腫腹大皆屬於熱是誠以腫脹爲濕熱  
矣雖然熱者脹病之末也若脹病之始未有不從寒而  
成熱者如五常政大論曰西北方陰也左寒而右涼適

寒涼者腠理閉而脹下之則脹已豈非寒涼外襲而六陽寓於坤土之中內鬱爲熱而成脹滿乃用土鬱下奪之法則脹已丹溪深得經旨另出手眼而立下奪消脹之方治以六君子扶脾胃之正氣神麴香附一氣一血去菀陳莖苦參黃連導去濕熱重用鉞砂助脾去濕抑肝邪客賊之氣以鐵受太陽之氣而陰氣不交性燥重墜濕熱之邪却而衰之非必以行大便秘爲下奪也再用白朮陳皮生薑湯吞下重於健脾也若虛甚者加人

參厚朴去黃連不失溫中之義

四神丸

甘枸杞子

揀紅潤者八兩煮酒一盃清水一盃和勻以杞子浸三時漉出曬乾分爲四分

以二兩用川椒二錢拌焙燥揀去茴香以二兩同黑芝蔴小茴香三錢拌焙燥揀去茴香以二兩同黑芝蔴

四錢拌焙燥不揀去芝蔴以二兩同方解青鹽研末四錢同焙燥不揀去青鹽焙法以繩挂銅盆懸

火三四寸不住手將銅盆浴轉焙至燥要枸杞子仍是大紅焙焦則不靈各研細黃甘菊

去蒂曬一兩五錢當歸頭酒拌曬熟地白水製一伏苓九

女貞子

淘漂蒸至極黑酒浸六時布袋擦去皮九錢

目有赤脉者加白蒺藜

右爲末蜜丸每服三錢開水送下

四神丸奇方也本草言枸杞子味甘氣平退虛熱補精  
髓治目昏雲翳按孫思邈王燾西河女子所載服食之  
法惟服枸杞子經歲不輟能延年耐老豈非奇用而有  
此神效乎今名之曰四神者藉椒茴之香以和陽芝鹽  
之潤以和陰得乎四者製法之神耳服之精髓生則火  
自退陰液充則目自明若服兩經之藥分殺其勢則力

有所不專推原記者之心惟恐泄真方之秘故爲溷亂以炫人耳然獨用一味後賢必以此爲不全之方余因刪去背謬之藥複以相須相使之品減其錢數俾枸杞得行專政以建奇功惟後賢臨用斟酌去就可也

毓麟丸

木棉子

取當年者去殼其仁白如糯米色者佳每勛棉子用真秋石一兩六錢和水溶化浸

棉子十二時漉出曬乾再用陳煮酒浸片刻入木甑內砂鍋上水蒸六時曬乾再入酒浸片刻蒸六時曬乾如是者不計次其仁製之內外如墨色者佳二十四兩同後藥修合

大熟地用



白水煮爛每觔加砂仁四兩陳煮酒一觔貯瓶中  
隔湯煮三日曬乾再蒸濕得太陽之光多者爲熟

十二  
兩 枸杞子 揀大紅色者分四分依四製枸杞子  
丸製法研末仍是大紅色者佳八兩

綠魚鰾 用黃蔴切炒炭拌  
入炒成珠六兩 沙苑蒺藜六兩 補骨脂 桃

肉并蒸鹽酒同 炒二兩四錢 柏子仁 去油者三  
兩二錢 當歸 酒洗曬乾

錢 生杜仲粉 去皮切片另磨粉  
篩去綿三兩二錢 生牛膝 酒拌曬乾

楮實子 酒浸十二時蒸  
六時二兩四錢 雲茯苓 五兩 川草薢 酒浸曬

麥門冬 去心  
四兩 五味子 二兩  
四錢

右法製共搗爛遠火焙乾磨爲末用羊內外腎四件

兩副鹽酒拌蒸爛搗膏量加煉蜜爲丸每晨用五錢  
午後用三錢臨卧用五錢陳酒送下不用酒者淡鹽  
湯送下男婦皆服之無間求子者得子求壽者益壽  
若男有遺精婦有帶下者去牛膝加覆盆子

漂去浮子曬乾

酒浸十二時曬乾二兩四錢

精氣神命曰人男女相媾功在陰陽氣交交則神合  
則化形如露珠之一滴升於丹鼎之上而爲孕朱子所  
謂稟於有生之初悟真篇所謂生身受氣於初者是也

種子之方自古迄今而欲寓合此意者亦甚難得余觀  
毓麟丸之藥品填補精髓妙合陰陽却有至理存焉木  
棉子花黃子白殼青油赤得五行之正氣性溫去濕製  
黑功專入腎煖精熟地色黑入腎枸杞色赤入心有水  
火既濟之妙魚鰾煖少陰之精沙蒺藜煖少陽之精俾  
藏府所藏之精剛柔相摩陰陽相蕩而精自生神補骨  
脂能使命門與心包絡之火相通柏子仁能使手厥陰  
與足厥陰之氣並清杜仲補肝之氣而利於用當歸助

少陰之血而主於和牛膝通前陰之精道楮實通九竅之神靈茯苓通腎經之陽草薢堅腎經之陰麥冬清肺氣五味攝腎氣古人用熱藥必清上焦之熱使熱藥不傷肺氣丸以羊腎血肉有情之品俾能留戀五內以成化育之功

備急丸

巴豆

去皮心膜研如脂  
出油用霜一兩

大黃

兩一生乾薑二兩

右藥各須精新先搗大黃乾薑爲末研巴豆內中合

治一千杵用爲散蜜和丸亦佳密器中貯之莫令歇  
以煖水苦酒服大豆許三四丸或不下捧頭起灌令  
咽須臾當差如未差更與三丸當腹中鳴即吐下便  
差若口噤亦須折齒灌之

備先具以待用也急及也謂臨事之迫也金匱以備急  
丸救中惡客忤神昏口噤者折齒灌之立甦若臨時製  
藥則無及矣巴豆辛熱大毒生用性急開通水穀道路  
之閉塞蕩練五臟六腑之陰霾與大黃性味相畏若同

用之瀉人反緩妙在生大黃與生乾薑同搗監制其直  
下之性則功專內通於心外啟胃之神明協助心神歸  
舍却有撥亂反正之功

控涎丹

白芥子

甘遂

去心

大戟

去皮

各等分

右爲末糊丸每服五七丸至十九丸臨卧薑湯服

控引也涎讀作羨酒涎也水流貌引三焦之水酒涎流  
出於水道也白芥子色白入肺而達上焦甘遂色黃入

脾而行中焦大戟色黑入腎而走下焦故白芥子走皮裏膜外之水飲甘遂決經隧之水飲大戟逐臟腑之水飲三者引經各異迺涎於水道則同故複之爲方當審證採用可也

### 玉真丸

硫黃

二兩

消石

一兩

原方作一也準繩作一兩

分配

硫四分之

石膏

煨通

赤研

研

一兩半夏

洗一兩

右爲細末研勻生薑汁糊圓如梧子大陰乾每服二

十九薑湯或米飲下更灸關元穴百壯

玉真丸治腎厥頭痛之聖藥也頭以配天三陰三陽五臟六腑之氣皆會於此故六淫七情之邪皆可以爲頭痛按靈素論頭痛二十餘證惟頭痛巔疾下虛上實過在足少陰巨陽甚則入腎一證最爲危急許白沙謂腎厥頭痛其脉舉之則弦按之則石堅以玉真丸治之疏黃消石升陽至頂有迅雷風烈之勢石膏半夏達陰降逆有通玄入冥之神治頭痛不以輕清散邪而用霸術



劫奪其邪者以濁陰上逆亂其清陽壅遏經隧頭痛如  
擘刻欲昏憤豈容緩治圖功然欲出補天手迅掃濁陰  
非深入聖域者不能白沙之後惟東璧能知之乃曰硫  
黃與消石同用配合二炁調燮陰陽有升降水火之功  
治冷熱緩急頭痛盲哉言乎

### 紫金丹

信白砒

分五

豆豉膏

二錢用水略潤少  
時以紙把乾研膏

右用膏子和砒同杵極勻圓如麻子大母服五圓至

十圓用蠶茶清極冷吞下臨臥服以知爲度

信白砒有大毒須煅煉得法庶不傷人凡白砒一錢用石膏一兩同研勻貯鎔銀罐中勿蓋陽煅通赤俟其煙盡飛去砒毒僅取石膏得白砒之性復藉豆豉挫砒毒之餘威兼領石膏中砒性上升迅掃肺經痼積之沉寒不使少留一如太空廓清疾返冲和氣象其愈痼之功莫有過於此者又按必效方治痰積齁喘遇陰氣觸發用砒與白礬爲丸冷茶送下高枕仰臥即愈治法雖同

而砒與礬能爛人肉不及本事方佳

驚氣圓

白花蛇肉

去頭尾一尺及骨五錢

乾蠍

一分一錢二分

白附子

錢五

白殭蠶

鈹麻黃

錢五

天麻

錢五

橘紅

錢五

紫蘇子

一兩

天南星

洗浸切薄片薑汁浸一夕五錢

硃砂

一分一錢二分留半爲衣

右爲末入研腦麝少許同研極勻煉蜜拌圓如龍眼大每服一粒金銀花薄荷湯化下溫酒亦可

本事方論云驚憂積氣心受風邪發則牙關緊急涎潮

昏塞醒則精神若癡俗呼爲心風癲疾也素問云病癲疾爲母腹中受驚所致則本文云心受風邪由驚憂積氣與經旨合轍驚則傷肝憂則傷肺清肅之令不行則木火化風外充斥於陽明之筋脉循人迎環口頰斯筋脉牽引卒口噤內搏激肺胃之津液斯涎沫上湧溢於口角而神明昏亂總是內風煽動與痰迷昏塞迥隔天淵故立方以治風爲首務經言風者善行而數變君以花蛇亦善行而去風佐以乾蠍搜風更捷白附子行藥

勢散陰臟之風佐以白殭蠶得清化之氣散肌表之風  
麻黃天麻入營透表泄風第人之内風無不從積氣以  
化故治氣亦不可廢橘紅南星蘇子入營下氣佐以腦  
麝助諸藥開泄上下升降諸氣妙在不治驚而治風不  
治痰而治氣較之世醫治心風妄捏驚痰輕施鎮墜勾  
引風邪沉潛内臟其禍寧有底止許學士曰此予家秘  
方也信哉

麋茸丸

麋茸

一兩治如鹿茸

兔絲子

一兩生取末

舶懷香

五錢

右為末以羊腎四隻酒煮爛去膜研如泥和圓如梧子大陰乾如腎膏少加酒糊之每服三五十丸溫酒送鹽湯亦可

少陰寒濕腰痛不用薑桂朮附而用麋茸羊腎足徵許學士之深心善於護陽者也蓋腎為水臟溼為陰邪寒濕踞於水臟真陽陷沒而生氣內絕難經云腰者腎之府轉搖不能腎將憊矣是則亡陽之機已露豈可治不

經心輒用剛燥壯火之劑摧鋒陷陣殊不思陰陽應象  
論所謂壯火食氣少火生氣之說乎故必以血肉有情  
冲和純粹之品戀住真陽潛驅寒濕糜茸通脉之陰羊  
腎壯腎中之陽生兔絲子升發腎中之陽氣舶懷香散  
腎中之寒濕治濕不用燥劑則不傷腎陰俾真陽旺而  
邪自退斯爲正治之良圖

薑桂湯

老生薑汁

冲三錢

肉桂

二錢四分去皮

人參

三錢 當歸

二錢四分


南棗  
三枚

石水二鍾煎八分冲入薑汁分三服隨時服

傷寒臟結證舌上白胎滑者難治戒之不可攻而舌鑑  
論白胎十九證皆用汗下辛熱之法余閱歷多年未有  
能治之者戊午歲少陰君火太乙天符自春徂秋民病  
母論三因舌胎白者居多有白滑白屑白粉之異原其  
義即至真要論熱勝寒復火勝水復熱極反兼勝已之  
化也用炮薑附子則白胎厚而液燥用苓連則手足冷



而陽脫余尋思舌爲心之外候其色當赤白爲肺之色  
反加心火之上是侮其所勝顯係寒邪入肺鬱蒸見於  
舌是衛實營虛乃以大劑生薑汁泄衛肉桂通營佐以  
人參當歸南棗助營衛之正氣服之皆應手而愈名之  
曰薑桂湯宗仲景心營肺衛立方也



絳雪園古方選註卷八

欽定四庫全書

子部

絳雪園古方選註卷九至十二

詳校官太醫院八品吏目臣黃發

編修臣倉聖脈覆勘

總校官原任中允臣王燕緒

校對官學正臣陳木

謄錄監生臣李學瞻

欽定四庫全書

絳雪園古方選註卷九

蘓州王子接撰

女科

四物湯

生地

二兩

當歸

三兩酒洗

芍藥

一兩五錢

枳殼

二兩

右咬咀每服四錢水二盞煎八分去滓溫服

四物湯物類也四者相類而仍各具一性各建一功並

行不悖芎歸入少陽主升芍地入厥陰主降芎鬱鬱者  
達之常歸虛者補之芍藥實者瀉之地黃急者緩之能  
使肝膽血調陰陽氣暢故爲婦人專劑

逍遙散

柴胡

錢一當歸

錢一白芍

錢一甘草

錢一白朮

錢一茯苓

錢一

右水二鍾加煨薑一片薄荷五分煎八分食遠溫服

薛立齋加丹皮

錢一山梔

錢一黑

逍遙說文與消搖通莊子逍遙遊註云如陽動水消雖

耗不竭其本舟行水搖雖動不傷其內譬之於醫消散其氣鬱搖動其血鬱皆無傷乎正氣也蓋鬱爲情志之病丹溪雖論六鬱然思憂怒致鬱者多思則氣結於心傷於脾憂則神志不遂精氣消索心脾日以耗損含怒未發肝氣內鬱乘勝於脾治以柴胡肝欲散也佐以甘草肝苦急也當歸以辛補之白芍以酸瀉之治以白朮茯苓脾苦濕也佐以甘草脾欲緩用苦瀉之甘補之也治以白芍心苦緩以酸收之佐以甘草心欲栗以甘瀉

之也加薄荷生薑入煎即濾統取辛香散鬱也薛立齋  
加山梔清氣分鬱火丹皮瀉血分鬱熱其理甚通宜遵  
之

旋覆花湯

旋覆花

三兩葱

十四新絳

尺許

右三味以水三升煮取一升頓服

旋覆花湯通劑也治半產漏下乃通因通用法仲景云  
婦人三十六病千變萬端無不因虛積冷結氣三者而

成故用旋覆花散結氣通血脉全用葱之青白開積冷  
安胎氣佐以繭絲補脾氣絳乃紅藍花染就并得烏梅  
黃栢之監制則通血脉之中仍有收攝之妙余因其義  
採用新絳和血青葱管利氣再複理氣血之品配合成  
方移治鬱結傷中胸脇疼痛等證屢有殊功并識之

甘草小麥大棗湯

甘草

三兩小麥一升大棗一枚

右三味以水六升煮取三升溫分三服



小麥苦穀也經言心病宜食麥者以苦補之也心系急則悲甘草大棗甘以緩其急也緩急則云瀉心然立方之義苦生甘是生法而非制法故仍屬補心

定巖散

獬鼠糞

三錢兩頭尖

土棟實

三錢經霜有核者佳不用川棟

露蜂房

三錢

右煨存性各取淨末三錢和勻每服三錢酒下間兩日一服

定止也潰巖服之痛定而爛止也獬鼠糞性主走陰專

入厥陰血分通經下乳棟實用土者取其微苦力薄走中焦乳間泄熱不似川棟力厚直行下焦露蜂房入陽明經驅肝經風毒犯胃有收斂之性凡外瘍之毒根在臟腑者非此不愈故乳巖潰爛經年僅存內膜者服之痛止膿乾收斂合口此方傳自江西允稱神異

安胎飲子

建蓮子

去心  
三錢

台州青苧

三錢  
洗  
去膠

白糯米

三錢

右用水一鍾煎五分每日侵晨服自懷妊兩月服起

至六箇月無墮胎之虞

小產由於房勞傷損足三陰腎傷則精氣不固肝傷則血熱妄行脾傷則胎元自墮建蓮子清君相之火而能固澀真氣台州青葙利小便而通子戶清淫慾之瘀熱糯米補益脾陰能實陽明空竅使肝氣不妄動而胎氣自安以五穀果實爲方誠爲王道之劑

達生散

人參

錢一  
白朮

錢一

甘草

錢二

廣皮

錢一

當歸

錢一

白芍一錢大腹皮三錢紫蘇一錢青葱五葉黃楊嫩頭七箇

酒炒

洗

錢

葉

右水二鍾煎八分隨時服

葩經註云達小羊也羊子易生無留難也昔湖陽公主體肥難產方士進瘦胎飲有驗後人因之變方甚多然於藥品中和肥瘦之體皆可服者莫若丹溪製此方人參白朮炙甘草補正氣陳皮腹皮疏氣中之滯當歸白芍調營血紫蘇青葱通血中之壅補瀉合宜氣血條暢自無難產之患加黃楊嫩頭其樹閏年不長取其知止

惟其產也

千金神造湯

蟹爪

升一

甘草

尺二

阿膠

兩三

右煎藥作東向竈炊以葦薪煮之東流水一斗煮至  
二升濾去滓入真阿膠令烊頓服或分二服若人昏  
不能服者灌入即活

神造者製方之妙一若神仙所作者也蟹爪尖專下死  
胎甘草奠安中氣不使尸氣上乘阿膠滑利前陰分兩

用一二三者取數之順衡以升尺戔者取器之動竈向東者取生氣炊以葦薪者取輕脫若雙胎一死一生者蟹爪又安生胎阿膠專於育神甘草培植生氣服之令死者出生者安真神品也

補脬飲

生黃絲絹

一尺剪碎

白丹皮根木

白芨

各一錢

右水一碗煮至絹爛如餲空心服嚙時不得作聲

脬婦之膀胱也臨產爲穩婆傷破小水淋漓無度觀其

補法有不可思議之妙生絲造者曰絹色黃者入血丹  
皮連木者入裏色白者走氣二者皆能瀉膀胱之火引  
清氣以達外竅白芨性粘功專收瀦能補五內之破損  
嚥之無聲乃有效者蓋聲出於五臟有聲則五臟之氣  
動而來迎無聲則五臟之氣靜而寧謐所餌之藥不由  
五臟分布入肺竟從胃口闌門泌別清濁之處由脂膜  
之絡滲於膀胱之外膜使白芨得以護外而爲固也本  
草載台州大辟剖出肺傷之處皆白芨所補信有是夫

火之月三



絳雪園古方選註

七一



絳雪園古方選註卷九

欽定四庫全書

絳雪園古方選註卷十

蘇州王子接撰

女科丸方

烏鰂骨丸

烏鰂魚骨

四分如蘆分

右以雀卵爲丸如菉豆以五丸爲後飯飲以鮑魚汁  
烏鰂骨丸皆血肉之品蓋血枯氣去苟非有情之物焉

能留戀氣血而使之生長烏鰂魚骨醃溫下行性瀉去  
脫久服令人有子可知其固氣益精之功矣如慮醃酸  
入肝活血通經疏氣行傷丸以雀卵壯陽益血藥後即  
飯復飲鮑魚汁壓其藥性下行利腸續絕每用五丸者  
經言脫血入房肝傷由於中氣竭故欲其留頓中宮仍  
從脾胃轉輸於下也

按素問用藺茹農經言有毒蝕惡肉排膿血如蘆無  
毒亦能通經脉治六極傷產後血暈去淤排膿睽度

二者之用莫辨孰是但藺如今人有名未用茹蘆即  
茜草藥肆易得且與病情亦相合姑從茹蘆註釋惟

後賢詳審

聚精丸

附內  
科方

黃魚鰾

一觔切碎  
蛤粉炒

沙苑蒺藜

八兩馬乳浸隔  
湯蒸一炷香

右爲末煉蜜丸每服八十九丸白湯下

震一索而得長男長男盛陽也震始於寅在人屬少陽  
初闕精氣動念在茲有勇猛精進之體用齊乎巽陰相

見乎離得虛靈不昧之性自然得子成男若少陽男人  
頭小面長目大無鬚爪枯脛細平素膽精不足不能會  
合腎精者其何以有子宜服聚精丸積精全神積精者  
腎藏精三合膽藏精三合兩精摩蕩而生神也黃魚鰾  
甘鹹入少陰和血固精沙苑蒺藜辛甘入少陽利竅益  
精俾精聚氣全使內之時女妻有震競喜悅之象則知  
巽陰潔齊而得孕矣

加味香附丸

金華香附

一觔為末

四兩煮酒浸兩宿搗碎焙乾磨四兩米醋浸同上法四兩童

便浸同上法四兩用炒山梔四兩煎濃汁去滓入香附浸同上法澤蘭淨葉六兩酒洗

海螵蛸

六兩搗碎炒

當歸

四兩酒洗

川芎

三兩

白芍

四兩酒炒

懷熟地

八兩搗膏焙乾

右為末用浮小麥粉酒醋水打糊為丸如菉豆大每日早晚服兩次忌食菜蕪及牛肉生冷

震陽也其動也厲巽陰也其正也貞巽陰從陽非泛從也陰不失柔順從容中正之道乃能潔齊乎陽若女子

經水不調赤白帶下腹寒胞閉夢與鬼交有絕產十二  
症者半屬奇經半屬肝虛即不能從陽得子宜服香附  
丸以四物和肝之陰陽烏鰂骨治使內肝傷澤蘭葉調  
病傷八脉任通衝盛精氣溢寫自能有子

坎炁丹

附內  
料方

坎炁

二十四條  
男者良

人乳粉

二兩  
四錢

熟地

八兩砂仁一兩  
五錢陳煑酒八

兩製久  
晒者良

人參

二兩

枸杞子

四兩

右法製烘燥入磨爲末用酒釀四兩白蜜四兩同煉

搗爲丸每服五錢清米飲湯送

坎再索而得中男在人爲腎中之陽陽險乎中得子非  
易若以陰男人耳薄鼻尖毛悴精寒者尤難種子易曰  
有孚維心亨行有尚必得少女之心有孚於夫剛中得  
正孕雖險亦可求而得男承上文說言乎兌之義易曰  
勞乎坎者腎雖爲作強之官陽陷而險更當慰勞腎中  
之陽乃能剛中而不失其孚宜服坎炁丹坎炁人乳補  
先天之正氣熟地人參枸杞填補足三陰經丸以酒釀



白蜜醞釀之品而成化育之功

斑龍丸

方見內科  
丸方中

艮三索而得少男得其所止之陽也象曰艮其限陽極於上不能退聽於陰索而不有其身矣男子八八天數已極不得其子亦止所當止無爲之時也然陰陽處過極之候必變而後得如從震而變大過曰枯楊生梯老夫得其女妻從艮而變損曰山澤通氣易曰艮其背陽氣止於背而不能變當從兌以悅之也男服斑龍丸通

督脉之陰陽補玉堂關下之穴以救尾閭滄海之竭猶  
藉女妻有孚庶可索而得男當服吉祥丸啟子宮生氣  
則從兌而變悅也

疏肝清胃丸

夏枯草 蒲公英 金銀花 漏蘆 橘葉 甘菊

獬鼠糞 紫花地丁 貝母 連翹 白芷

山慈姑 瓜蒌實 炙甘草 廣陳皮 茜根

乳香 沒藥

右法製等分爲末另用夏枯草煎膏爲丸每服五錢  
開水送

乳巖發於乳中按胃經循乳穴歌云乳中正在乳頭心  
次有乳根出乳下又肝經循乳穴歌云循本經之章門  
至期門之所挾胃屬肝故前賢皆以憂思鬱怒積氣於  
肝胃兩經而成乳巖第方書治法雖多不失之峻補則  
失之峻攻惟仲醇製疎肝清胃丸雖平淡無奇却有深  
中肯綮之妙夏枯草入厥陰解鬱熱散結氣蒲公英一

名黃花地丁入陽明散熱毒消癰腫二味爲君金銀花  
入陽明散熱消乳腫甘菊清風熱益肝陰鼠糞入陰解  
熱紫花地丁透乳消腫茜根行血通經貝母開鬱結消  
乳癰凡此六者皆入肝經連翹清客熱消腫毒白芷散  
血熱攻乳癖山慈姑攻毒散結瓜蒌實降火滌痰甘草  
和胃消癰陳皮和胃破結凡此六者皆入胃經共十二  
味爲佐乳香活血沒藥散血皆能止痛消腫二味爲使  
再複以夏枯草煎膏爲丸者其義重在通陽化陰流通

血脉乳癖自散實遵經言肝欲散胃喜通之旨較之世人以乳癰爲實乳巖爲虛泥於參朮以滯其氣者其用意遠矣

椿皮丸

椿根白皮

一兩五錢

白芍藥

五錢

良薑

炒成灰三錢

黃柏

炒成灰二錢

右爲末粥漿丸每服三五十丸空心米飲下

椿皮丸治瘦人帶下熱勝於濕又弱而不禁攻者瘦人多血熱故以椿皮苦澁入血清熱勝濕以止帶瘦人多

陰弱故以白芍酸寒收陰氣以約帶瘦人多中虛故以良薑入胃和陽截生濕之源頭瘦人多陰火故以黃柏入腎堅陰固帶下之去路然以薑柏炒灰則成不寒不熱僅存固澁收脫之性助椿皮以建功

### 白斂丸

白斂

八兩

狗脊

劉去毛

一兩

鹿茸

酒蒸

焙二兩

右爲細末用艾煎醋汁打糯米糊丸如梧子大每服五十丸空心溫酒送下

室女衝任虛寒及嫁房勞帶下陰中腫痛陽虛之體而  
得火證當以白斂殺火消腫爲要故名白斂丸佐以狗  
脊療傷中通關節仍主以鹿茸保護督脉之陽以安衝  
任固本治標功稱媲美

固陽丸

新製

黃耆

酒炒  
三兩

當歸

酒淨  
三兩

乾薑

一兩  
六錢

赤石脂

一兩  
二錢

泥罐中煨

赤研  
水飛

舶懷香

八錢

白龍骨

煨  
豆熟出

碎絹袋盛

大豆同蒸

水飛

一

兩二  
錢

陽起石

用乾鍋於大火中煨令通紅取出酒

淬置陰地令乾

研水飛

一兩二錢

酒

一兩二錢

酒

酒

肉桂八錢 韭菜子

酒浸曝乾微炒一兩六錢

茯苓三兩 黃鹽

炒三錢

右法製爲末酒糊丸每服五十丸溫酒下

治帶諸方燥濕清熱者居多若夫久曠失志心陽內耗而命門失守或內勞無度液脫陽離而命門不禁博採古方治此二證者藥品冗雜一無成法可遵余因製此方以固未散之真陽黃耆茯苓通陽明之氣道引領陽起石升發諸陽乾薑赤石脂堵截陽明之津液不使其順流於前陰當歸肉桂懷香升少陽之氣以約在下之



津液韭菜子去淫慾之火白龍骨固心腎之氣約以黃  
鹽使熱藥歸下成固攝之功

兔腦丸

母丁香

六粒

明乳香

去油

麝香

六厘

右爲細末選八月臘月天醫日修合臨時活劈兔腦  
爲丸六粒硃砂爲衣陰乾蠟丸收藏產婦臨盆腰痛  
兒不能下溫湯團圖嚙下其兒立產男左女右手握  
藥出兔用小者老則不驗死者亦不驗修合時忌見

雞犬經行婦人孝服及諸厭物

兔腦丸四味單用皆能催生非特複用爲方也兔性善走用其腦者神在精髓也蓋孕環之兔初懷左腋百年之後環歸於腦便能隱形可徵其腦爲神之居也丁香入營通氣乳香入營活血麝香爲臍之液走竄下通玄竅兔腦爲腎之髓寒利專主滑胎二者皆有情之品兒感其氣自然下生一如水火濟而道成陰陽和而雨降也一方有用鼠卵者其走竄入腎之功與兔腦同然用

兔腦不免傷生鼠取其外腎以油線縫之放去猶活其  
功德較勝且鼠腎之上有符篆朱文人佩於身能令見  
者懽悅所求如意諒嬰兒得之亦必生歡喜心也願真  
堂經驗方分兩丸數各用三十六以坎爲六坤之成數  
也其理頗通故并贅之

千金吉祥丸

應在斑  
龍丸後

天麻

煨一兩

芎藭

一兩

桂心

一兩

桃仁

一百枚

牡丹皮

一兩

桃花瓣

一兩

柳絮

一兩

白朮

一兩

熟地

一兩

菟絲子

一升

覆盆子

一升

五味子

去子一兩

茯苓

一兩

楮實子

一升

右爲末蜜丸如豆大每服五丸空心苦酒下日三服  
吉祥者詩言吉夢熊羆男子之祥也婦人血積胞門或  
寒凝子宮致任脉不榮積年不孕斷緒絕產閱古方用  
蕩胞湯坐導藥而閨中弱質奚堪當硝黃蟲蛭猛烈之  
品是方君以天麻者以其有遊子十二環圍於外結子  
透虛入莖中潛生土內複芎藭下行血海治血閉無子  
李杲曰女子肝虛不足宜天麻芎藭以補之也臣以桂

心通子宮破瘀桃仁丹皮補肝活血桃花輕薄柳絮顛  
狂功皆下行走泄其性可以辟除穢惡其情足以感發  
春心佐以白朮地黃補脾腎之正氣再使以菟絲覆盆  
五味子皆蔓延多子之品茯苓入陽通氣楮實入陰通  
神俾使內之時精氣神混合一炁自然一舉而得子矣  
方之取義甚佳用亦屢驗

回生丹

大黑豆

三升用水浸取殼用絹袋盛殼同豆  
煮熟去豆不用將殼晒乾其汁留用紅花

三兩炒黃色入好酒四碗煎三五滾去渣存汁聽用米醋九觔陳者佳大黃一觔爲末

蘇木三兩打碎用河水五碗前汁三碗聽用

右將大黃末一觔入淨鍋下米醋三觔文火熬之以長木筯不住手攪之成膏再加醋三觔熬之又加醋三觔次第加畢然後下黑豆汁三碗再熬次下蘇木汁次下紅花汁熬成大黃膏取入瓦盆盛之大黃鍋焦亦鏟下入後藥同磨

人參二兩當歸一兩川芎

一兩香附

一兩延胡索

一兩醋炒

蒼朮

一兩米泔浸炒

蒲黃

一兩隔紙炒

茯苓

一兩桃仁皮尖油

川牛膝

五錢

甘草

五錢

地榆

五錢

川羌活

五錢

廣橘紅

五錢

白芍

五錢

木瓜

三錢

青皮

三錢

白朮

三錢

烏藥

二兩半

良薑

四錢

木香

四錢

乳香

二錢

沒藥

二錢

益母草

二兩

馬鞭草

五錢

秋葵子

三錢

熟地

一兩

酒蒸

三稜

五錢

醋浸

五錢

靈脂

五錢

醋煮化

焙乾

研細

山茱萸肉

五錢

酒浸蒸

搗爛入藥晒

右三十味并前黑豆殼共晒乾爲末入石臼內下大

黃膏勻再下煉熟蜜一觔共搗千槌取起爲丸每丸

重二錢七分靜室陰乾須二十餘日不可日晒不可  
火烘乾後止重二錢有零鎔蠟護之所謂蠟丸也用  
時去蠟殼調服

回生丹催難產破血暈却有神功難產皆由氣滯不宣  
血暈每多惡露瘀塞下氣行血均爲要法大黃下氣滌  
垢黑豆逐水破結紅花活中焦之血蘇木破下焦之血  
均用醋製監制入血不欲其傷氣也馬鞭草秋葵子入  
奇經通經催生蒲黃五靈脂消瘀下胞衣乳香沒藥療



產難損傷烏藥木香除腹中氣分冷痛良薑香附解腹  
中血分冷痛牛膝桃仁地榆三稜延胡皆取其破血下  
行佐以四君四物填補正氣以蒼朮羌活宣通衛氣以  
青皮木瓜橘紅甸安營氣益母爲生血之品山萸爲破  
結興陽能扶少陽之生氣是方雖漫無綱紀然其羣集  
催生逐瘀之藥仍有相須之妙已扼坐草四五日治法  
之要因選之

絳雪園古方選註卷十